

SACRA CONGREGATIO DE SEMINARIIS ET STUDIORUM UNIVERSITATIBUS

ORDINATIONES

AD CONSTITUTIONEM APOSTOLICAM "VETERUM SAPIENTIA" RITE EXSEQUENDAM

CAPUT I

NORMAE GENERALES

Nota reductionis. Ordinationes ad praecedentem Constitutionem rite exequendam proemio praeceduntur in quo S. Congregatio ait Ioannem XXIII Constitutionem Apostolicam "Veterum sapientia" sollemini ritu die 22 februarii sua ipsius manu subsignavisse in Petriana Basilica.

Nemo equidem ignorat latinæ linguae instaurationem esse rem difficultatibus et laboribus plenam, eoque minus Sacra Congregatio quae iam de hac re Epistolam ad locorum Ordinarios die 24 octobris 1957 scripserat (AAS-50-1958, pp. 292-296). At vero non difficultatibus vinci, sed eas vincere vita fidesque christiana nos docet: his praesertim temporibus quibus, per Concilium oecumenicum Vaticanum II, ad christiani populi unitatem roborandam Ecclesia laborat.

Historia quidem constat latinam linguam pluries at rursus floruit semper renovata, quod eam Ecclesia quasi commune patrimonium strenue defendit atque sustentavit. Ita, post merovingiam barbariem magis etiam quam nostra aetate iacuit, insurexit tamen saeculo XII, et saeculis XV-XVI renata est et elata perfectissima. Potest ergo etiamnunc instaurari si debitum huic studio tempus tribuatur et si ratio doldi ad veterum morem accedat ita ut usus loquendi scribendique latine comparetur.

Igitur ad latinæ linguae instaurationem plene et officaciter consequendam sequentes Ordinationes S. Congregatio tradit easdemque religiose servandas praescribit:

ART. I.—*De rationibus studiorum singularum gentium ad normas "Ordinationum" accommodandis*¹.

§ 1. Cum variae studiorum rationes in singulis gentibus earumque ecclesiasticis scholis vigentes, interdum, quod ad latinæ linguae studium attinet, impares sint ad plenam huius linguae scientiam et usum consequendum, vario modo erunt, ad normas ab his Ordinationibus constitutas, accommo-

¹ *Const. Apost. n. 8* (p. 135 *iuxta edit. A. A. S.*).